



ATASSUT

Steen Lyngø

UPA 2015/38-1

12.05.15

**Kommunini sulisut meeqqanik inuusuttunillu ajornartorsiuteqartunik tunngasunik oqaloqatigiinnissat siunertaralugit sulisut pineqartut qanoq assigiinngitsunik amerlatigisunik, kiisalu suliassiissutinik sulinerminnilu qanoq nammataqartiginersut, taamatullu suliassanut nukissanik naammaattunik peqartitsinersoq, kiisalu isumaginnittunut suliassat qanoq amerlassuseqarnissaat pillugu periarfissaqarnersoq, tamannalu pissusissamisoortuunersoq pillugit oqaloqateqarnissaq. Naalakkersuisut peqquneqarnissaannik Inatsisartut aalajangiiffigisassaatur siunnersuut. Naalakkersuisut misissuinerisa naliliinerisalu inernerana nalunaarusiorneqarluni kingusinnerpaamik 1. april 2016 Inatsisartunut tunniunneqassaaq.**

(Inatsisartunut ilaasortaq Aaja Chemnitz Larsen, Inuit Ataqatigiit)

ATASSUT-miit siunnersuuteqartoq qutsavigaarput. ATASSUT-miit pingaartitarilluinnarparput, pisortanit innuttaasunut kiffartuussineq tamatigoortoq kommuuniuppat, Namminersorlutik Oqartussaniluunniit tamatigut inatsisiliornikkut eqaatsunik atugassaqartitsineq aqputissiuunnissaa, taamaasiornikkut sullissineq ataqatigiissoq, suleqatigiinnerlu eqaatsoq innuttaasunut akimmiffilersuinngitsumik kinguneqartitsisoq.

Siunnersuut pillugu, ukiut kingullerni pingaartumik Inatsisartuni sulinermi annertuumik eqqartorneqartarlunilu assiinnngitsutigut iliuuseqarfigineqartarsimavoq, ilaatigut kommuunit suleqatigalugit aqqiissutissanik, pikkorissaanikkullu inunnik sullissisut ulluinnarni pitsaanagerusumik ataqatigiissumik, inatsisillu malillugit sullissilluernerunissamik siunertaqartumik.

Pingaarteqarpoq inunnik sullissinermi tamatigut kommuunit suleqatigalugit, taakkulu anguniagaat naapertorlugit sullissisut pitsaasumik kiffartuussinissaat tamatigut ineriartortissallugu, ilinniaqqinnikkut, pikkorissarnertigut, minnerunngitsumillu sulisut amerlassusaat naammattut kivitsisinnaassuseq suliart annertussusaat eqqarsaatigalugu naapertuuttumik.



Ullumikkut nalunngiparput, kommuunini inunnik sullissisut agguaqatigiissillugit suliat sullissisup 250-it sinnerlugit tigummisaraat, tamanna annertoruujusuvoq, tupinnanngitsumillu tamakkiinerusumik sullissinissamut ajornangajappoq, pingaartumik kommuunit inunnik sullissisussanik amigaateqartillugit.

Naalackersuisut akissuteqarneranni ersarissumik tikinneqarpoq, ilaqutariinnut politikkimik suliaqartoqartoq, taamatullu ilinniartitaaneq inulerisunut aqqissuullugu naapertuuttunngorsarneqartoq, ilaatigut tamanna nunatsinni isorartuumi najugaqarnitsinni sullissinermi sumiiffinni amerlasuuni annertuumik iluaqtaalersussaq ATASSUT-mit neriuutigaarput, isumaqarpugullu aqut tamanna atortariaqartoq.

Minnerunngitsumillu nunaqarfittatsinni inunnik sullissinermi ilinniartitaanikkut pikkorissaanikkullu malinnaatitsinissaq pingaartutut ATASSUT-miit isigaarput.

Ukiut siuliini isumaginninnermi sullissisunut siunnersuineramik suliaqarnermik ilinniartitseqqinneq ATASSUT-mit iluatsilluartutut nalilerparput, aammalu kommuunini sullissinermi pitsanngoriaatitut malugineqarluartoq. Tamanna isumalluarnarpoq, pingaartumik nunaqarfittagut, illoqarfiillu mikinerit eqqarsaatigalugit, inunnik sullissisut tamatigoortumik kiffartuussisinnaalernerannik angusaqarfiummat.

Taamatut oqaaseqarluta siunnersuummut paasinnilluta, Naalackersuisut allannguutissatut siunnersuutaat akueralugu, inassutigissavarput ataatsimiititaliami susassaqtumi suliarineqassasoq.